



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1652. usque ad annum 1662

**Fleury, Claude**

**August. Vind. [u.a.], 1779**

**VD18 90119185**

§. 86. Julii Mazarini Cardinalis obitus.

---

[urn:nbn:de:hbz:466:1-67372](https://nbn-resolving.org/urn:nbn:de:hbz:466:1-67372)

pœnis gravioribus mille florenorum, aut etiam confiscationis bonorum vel exilii. Insuper nullum ad Subdiaconatus ordinem admitti voluit, nisi vere possideat bona annui redditus centum quinquaginta florenorum. Insuper Christophorus Bernardus a Galen Monasteriensis Episcopus die prima Octobris epistolam Pastoralem edidit, in qua Clero suo observantiam variorum statutorum impense commendavit.

Sæc. XVII.  
A. C. 1661.

## §. LXXXVI.

*Julii Mazarini Cardinalis obitus.*

Inter Purpuratos, qui hoc anno fati-  
cessere, tam mortis casu, quam ge-  
storum fama primus exstitit Julius Ma-  
zarinus Piscinæ in Aprutio ex nobili  
Romana prosapia ortus. Hic primævo  
naturæ Beneficio præclaris dotibus ad  
conciliandum amorem & ad heroicas  
actiones idoneis ubertim præditus, Ro-  
mæ humanioribus literis, & Al-  
calæ in Hispania Jurisprudencia inge-  
nium suum excoluit: inde vero Ro-  
mam reversus, atque utriusque Juris  
Doctor anno ætatis suæ vigesimo re-  
nuntiatus Patris sui falso de homicidio  
accusati Advocatum egit, eumque ci-  
tissime a calumnia exemit. Exorto  
Vallis Telinæ tumultu Julius togam  
Tt 3 exuit,

*Hode Hist. de*

*Louis XIV.*

*Nani Hist.*

*Venet. l. 8.*

*tom. 2.*

*Hist. du*

*Card. Maz.*

*tom. 2.*

Sæc. XVII. exiit, & sagam induit; inde Roman  
 A. C. 1661. reversus, atque ab Urbano VIII. ut

Hispaniæ Ministros a bello Mantuano  
 removeret, missus inter ipsos hostiles  
 belligerantium conflictus pacem Chie-  
 rascensem conclusit, non sine maximo  
 Orbis Christiani & Italiæ præprimis  
 commodo, primoque propriæ fortunæ  
 auspicio; quippe tum Lugduni a Ri-  
 chelio Cardinale visus, amatus, at-  
 que in auctoritatis vix non Regiæ con-  
 sortium postea selectus fuit: Decerne-  
 batur rursus ab eodem Pontifice Nun-  
 tius in Gallias, ut capti Trevirensis  
 Electoris, & dejecti Caroli Lotharingæ  
 Ducis causam ageret, & quamvis  
 Papæ votis plene satisfacere non  
 posset, sui tamen non oblitus, in Ri-  
 chelii, proin in ipsius quoque Regis gra-  
 tiam tam intime sese insinuabat, ut  
 post expletam Avenionensem Legatio-  
 nem ab ipsomet Rege in Franciam re-  
 dire sollicitatus, ad ejusdem preces  
 Purpuram obtineret, & mortuo Richel-  
 io in totius Regni, ac Regii cordis ar-  
 bitrum & moderatorem succederet.  
 Creverat adhuc hujus Viri auctoritas  
 & gratia post obitum Ludovici XIII.  
 quippe unacum ipsa Anna Regina Vi-  
 dua Regni curas & administrationem  
 partiebatur, atque impuberis adhuc Re-  
 gis tutelam seu potius Regis vices ge-  
 rebat,

rebat, & quamvis natione Italus esset, **Sæc. XVII.**  
 tanto tamen studio in Monasteriensi **A. C. 1661.**  
 pace Franciæ fines, adjecta Alsatia,  
 usque ad montes Pyreneos, Rhe-  
 num, & Scaldim protendere satagebat,  
 ut nonnisi Gallicus sanguis in omnibus  
 cordis sui venis ebullire videretur:  
 confecta autem hac pace omnia in Ma-  
 zarini exitium conspirare visa sunt: &  
 quidem populus eum tanquam conti-  
 nuati contra Hispanos belli, proin om-  
 nium, quibus premeretur, exactionum  
 Auctorem insimulabat, Principes vero  
 & Senatus, cuncta per exterum homi-  
 nem, regni que statu & juribus inex-  
 pertum geri indignabantur: commu-  
 nes demum hæ querelæ in publicum  
 ac civile bellum erumpebant, quod ve-  
 hementius exarsit, dum Mazarini opera  
 Condus, Contius, & Longevillanus  
 Principes in vincula coniecti sunt, qui-  
 bus tamen ob gravioris mali metum in  
 libertatem assertis Mazarinus, Senatus  
 edicto, & pretio etiam in ejus caput  
 statuto, e Regno Coloniam aufugere  
 jussus est; ast ideo tantum deprimi vi-  
 debatur, ut altius extolleretur; quippe  
 Rex pubertatem adeptus, eum, ho-  
 norifica legatione missa, & numero  
 equitum comitatu revocavit, imo extra  
 Pictaviensis urbis portam Lutetiam ei-  
 dem obviam processit, eumque perbe-  
 nigne

Sæc. XVII. nigne amplexatus, in rheda sua trium-  
 phantis in morem in urbem & Aulam  
 A. C. 1661. reduxit. Inde tamen recruduit Sena-  
 tus invidia, odiumque populi, ut ergo  
 sævius incumbenti procellæ cederet,  
 ultro Bullionium secessit: mox autem  
 honorificentius a Rege revocatus, om-  
 nes vires curasque eo intendit, ut fœ-  
 dere cum Anglis inito, Franciæ Re-  
 gnum Hispanorum spoliis ditaret, tan-  
 dem vero, cum ampliora armis obti-  
 nere desperaret, conclusa pace Pyre-  
 nea Hispanum cum Gallo conciliavit,  
 huncque amicitiae nexum indissolubi-  
 lis conjugii inter Ludovicum Franciæ  
 Regem, & Mariam Theresiam Philippo  
 Hispani Regis Filiam ibidem contractis  
 vinculis firmavit, necnon die ultima  
 Februarii inter Franciæ Regem, & Ca-  
 rolum Lotharingiæ Ducem pacta Gal-  
 lis quidem minus proficua, tanto ta-  
 men Duce digna iniit. Stabilito hoc  
 fœdere, perinde acsi heroicis suis actio-  
 nibus metam posuisset, vires suas im-  
 probis laboribus & curis attritas ex-  
 pertus, Regi salutaria prorsus consilia  
 ore & scriptotenus suggestit, eidem præ-  
 cipue commendans, ne deinceps cujus-  
 dam Administri opera uteretur, sed ipsius  
 regiminis clavum moderaretur, & fide-  
 los, quorum nomina recensebat, suo  
 patrociniò dignos reputaret: postea  
 testa-

testamentum suum condere parabat, Sæc. XVII.  
A. C. 1661.

cum autem anxiiis animi curis torque-  
retur, ex P. Joli Confessarii sui consilio  
immensas suas divitias, quas ex Regis  
liberalitate, viginti duabus ditissimis  
Abbatiiis, & amplissimis stipendiis hau-  
ferat, Regi dono dedit, eas vero, cum  
vicissim Rex Mazarino donaret, partim  
inter suos Cognatos & amicos distri-  
buit, partim ad usus pios, & præci-  
pue in bellum Turcicum legavit, nec-  
non celeberrimum quatuor Nationum  
Collegium erexit. His ita dispositis  
Mazarinus ut summo Pontifici plene  
reconciliaretur, ad eundem literas sub-  
missione plenas die sexta Martii dedit,  
demum omnibus morientium Sacra-  
mentis munitus, inter luculenta pieta-  
tis ac poenitentiae signa in castro Vicen-  
narum die nona Martii supremum diem  
explevit, annos natus quinquaginta  
octo, menses septem, & dies viginti  
duos. Erat sane inter ævi sui Politi-  
cos expertissimus, ac longe prudentis-  
simus, omni jure maximis nostræ æta-  
tis Viris annumerandus; quicquid enim  
magnum ac celebre in Europa contige-  
rat, illius aut arbiter aut Architectus  
erat Mazarinus, summo ingenio, cal-  
litate, regnandique artibus magno  
Richelio major: inter sævos invidiæ  
procellas immotus, in consiliis sagax,

**Sæc. XVII.** in labore assiduus, in adversis constans  
**A. C. 1661.** in prosperis moderatus, in rebus ar-  
 duis magnanimus, in opinando cae-  
 tus, in exequendo felix: Nonnulli te-  
 men præclaro huic Viro imputant im-  
 modicam auri ac gloriæ cupiditatem,  
 necnon Religionis contemptum, quem  
 in sua juventute exhibuisse ferunt: At  
 vix ulla est celsitudo a nævo proprio,  
 & alieno livore immunis. Habebat  
 tur etiam Romæ funeris exequiæ,  
 quibus P. Leo insignis Theologus &  
 doctus Carmelita defuncto Mazarino  
 oratione funebri parentavit.

## §. LXXXVII.

*Francisci Palutii Cardinalis obitus.*

*Ciacon. in  
 vita Ale-  
 xand. VII.*

**O**biit etiam hoc anno Franciscus Pa-  
 lutius, qui duodecimo vix expleto  
 ætatis suæ anno Romam delatus, hu-  
 manioribus literis egregiam navavit  
 operam, ob ingenii aciem, morum-  
 que suavitatem præcipuis Cardinalibus  
 percarus: Adultior factus, ac juris  
 prudentiæ laurea decoratus, causarum  
 forensium patronum egit, ab imperatoribus  
 etiam Regibus, ac supremis Imperii  
 Principibus ob raræ integritatis lau-  
 dem, rerumque gerendarum dextera  
 tatem maximi habitus. Ea erat animi  
 demissione, ut sub Gregorio XV. ob-  
 latus